



Infurmaziuns areguard il tractament da las datas d'attestat da las scolas popularas e da las scolas spezialas

La basa legala per l'utilisaziun da las datas d'attestat furman las "directivas davart ils termins minimals da tegnair en salv per las archivalias da las vischnancas dal chantun Grischun" che la regenza ha relaschè il 16-08-1982 sco er "l'ordinaziun da la regenza davart ils archivs communal, circuitals e districtuals" dals 5-09-1988.

Cumpetenzza per las datas d'attestat da las scolas popularas e da las scolas spezialas

La cumpetenzza da retschertgar e da tegnair en salv las datas d'attestat han ils purtaders da scola. Quests decidan tgi ch'è responsabel en lur scola per la dumbraziun e conservaziun professiunala e segira da las datas (directur da la scola, singula persona d'instrucziun e.u.v.).

L'uffizi per la scola populara ed il sport (USS) n'archivescha betg datas d'attestat or dals secturs da la scola populara e da la scola speziala.

Tge datas d'attestat ston vegnir archivadas quant ditg?

Tenor las directivas da la regenza ston las "actas da promoziun" da las scolaras resp. dals scolaras (tranter auter ils attestats da semester ed ils attestats annuals) vegnir archivadas fin la fin da la scola e las "tabellas da scola resp. tabellas d'attestat" (tranter auter las notas finalas resp. las notas da partenza) ston vegnir archivadas permanentamain. En quest senn ston ils purtaders da scola esser abels da far in duplicat per in attestat final ch'è i a perder (scola reala, secundara e.u.v.), e quai er suenter decennis.

Furma da l'archivaziun

La datas ch'èn d'archivar permanentamain (vesair sura) ston vegnir tegnidas en salv en furma da palpieri e quai en in lieu segir e nunaccessibel per personas nunautorizadas, il meglier en l'archiv communal resp. l'archiv circuital responsabel, partiziun fatgs da scola.

Ils documents da promoziun ch'ins sto mo tegnair en salv per in temp limità pon er vegnir archivads digitalmain (p.ex. sin CD-ROM), medemamain cun garantir la segirezza e la protecziun da las datas.

Cuira, ils 06-06-2006